

جريدة محاکمه

نومرو جمادی الاول سنه ۱۲۹۰ ۵ ۱۱
 بازار ایرتسی ۱۸ حزیران رومی سنه ۱۲۸۹ ۱۰۵ صحیفه

اشوغزته بهر هفته بازار ایرتسی کولری چیقار . سنه لکی برعثمانلی یوزلک التونه و بهر نسخه سی
 شمذیلک ایکشیر غروشه اوله رق هر پرده صاتیلور . سنه لکنه مشتری اولق استیائلر
 مکتب صنایع مدیر لکنه مراجعت ایتیلیدر

محاکم نظامیه حقنده نظامنامه در

ممالک دولت علیه ده محاکم نظامیه ایکی درجه اعتبار اولمشدر
 درجه اولی محاکمی بدایه و درجه ثانیه محاکمی استینافاً
 رؤیت دعوا ایدرنر

قائم مقامی مرکزی اولان قضالرده بولنان دعاوی
 مجلسلری بدایه ولوا مرکز نده بولنان تمیز
 مجلسلری هم بدایه وهم استینافاً وولات دیوان
 تمیزری یالکز استینافاً رؤیت دعوایه . امور درنر
 افراد بیننده قابل تسویه اولان دعاوی بی صلحا
 بتورمک ایچون هر ناحیه و قریه ده برر اختیار
 مجلسی و دعاوی تجارتیه مخصوص اولق ادرره
 اقتضا ایدن ولایت ولوا و قضا مرکز نده دخی
 برر محکمه تجارت واردر

قضا و دعاوی مجلسلریله مجلس و دیوان تمیز نرک
 ریاستی نوابه محولدر

دعاوی تمیز مجلسلرنده قطعاً و مجلس و دیوان
 تمیز نرده استینافاً رؤیت اولنان دعوا نرک تمیزی
 دیوان احکام عدلیه عابددر

دیوان احکام عدلیه ایله محاکم تجارتک وظایفی نظامات
 مخصوصه ایله معین اولدیغندن اشبو نظامنامه
 انلردن بحث ایتوب یالکز قضا و دعاوی مجلسلریله
 الویه تمیز مجلسلرینک و ولایت دیوان تمیز نرینک
 وظایفی و اختیار مجلسلرینک تسویه دعاوی
 حقنده مرتبه صلاحیتلری بیان ایدر

فصل اول

(اختیار مجلسلرینک تسویه سنه ، اذن اولدقاری)
 (ماده دأردر)

برخی ماده اختیار مجلسلری صلحا تسویه
 اولنه ییله جک دعاوی حقوقیه بی صلحا تسویه ایدرنر
 مرافعه ایله حکماً فصل و حسمه موقوف اولان
 دعوا نرک رؤیتنه و قباح و جنحه و جنایت
 دعوا نرک مصالحه ایله تسویه سنه مداخله ایده مزرنر
 و صلحا بتور دکاری دعوا نر ایچون اعلام و بره بوب
 یالکز صورت صلحیه بی مین طرفین مصالحیندن
 برر قطعه سند اخذ ایدرنر

ایکنجی ماده اختیار مجلسلرینک و بر دکاری
 قرار نرک مدعی و مدعی علیه صلحا مقبوللری

اولدقجه واحدهما آخرك ذمتي ابرايتمدجكه بركونه حكمي اوله من شوقدركه اصولنه موافق اوله رق صلحا بتوريلان و طرفيندن سند و بريلان دعوا رك محاكمه مأمور مجلسلرده فصل ورؤيتي جائزدر اوچنجي ماده اختيار مجلسلرينك صلحا تسويه سنه مأذون اولدقاري دعاوينك صورت رؤيت وتسويه سي ولايت نظامنامه سنك التمشجي ماده سنه توفيقاً جريان ايدر

فصل ثاني

(قضاار دعاوى مجلسلرينك وظائف)
(وصلاحياتلرينه دائردر)

دردنجي ماده هر قضائك دعاوى مجلسي اولان نظامه متعلق اوليه رق محاكم شرعيه ده رؤيتي لازم كلان واهالي غير مسليه عائد اولوب اداره روحانيه زير معرفيله رؤيتي معتاد اولان دعاوي مخصوصه دن رثائباً صرف اور تجارتته متعلق اولوب تجارت محكمه سنده كوريله جك اولان دعوا دن ماعدا قانوني و نظامي وقوعه بولان دعاوينك وقباحت وجحه درجه سنده بولان خصوصات جزائيه نك رؤيت و تدقيقه مأموردر بشنجي ماده تجارت محكمه سي بوليمان قضاارده تجارتته متعلق دعوا ز تجارت قانونه توفيقاً قضا دعاوى مجلسلنده فصل ورؤيت اولنور

التنجي ماد هر قضائك دعاوى مجلسي دردنجي ماده ده استثنا اولنان خصوصات دن ماعدا اول قضائك تحت اداره سنده بولنان نواحي وقراده بشيك غروش قيمت وسنوي بشوز غروش ايراد اوزرينه تكون ايدن دعوازي قطعياً و بمقدار قيمتي و ايرادي تجاوز ايدن دعاوي بي وتعين و تقطيع حدود مثلاًو قيمت اوزرينه جريان ايمان دعاوي قابل استيناف اوله رق رؤيت ايدرلر بر قضائك دعاوى مجلسلنده قابل استيناف اوله رق رؤيت اولنان بردهواي اول قضائك تابع اولديني لوا مجلس

تميزيله ولايت ديوان تميزتدن قنغيسنده استرايسه استيناف ايتديرمكده مستأنف مخير اولوب فقط بركره لوا مجلس تميزنده استيناف اولنان دعوا رك تكرار ولايت ديوان تميزنده استيناف جائز دكلدر يدنجي ماده دعاوى مجلسلرينك برنده قطعياً حكم اوله بيله جك مقدار اوزرينه بر دعوي كوريلور ايكن اكامتعلق اوله رق مدعي عليه دخي مدعين بر تضمين مطالبه ايلديكي حالده اشبو تضمينك مقداري مجلسك صورت قطعيه ده حكمه مأذون اولديني درجه دن زياده دخي اولسه مدعينك اصل دعوا سنه تعلق جهتيه صورت قطعيه ده حكم اولنور سكرنجي ماده قضا دعاوى مجلسلري جزا قانوننامه همايونك بشنجي ماده سنده محرر اولديني اوزره قباحت نوعندن اولان جرائمه قطعياً و قانوننامه مزبورك دردنجي ماده سنده محرر اولديني اوزره جحه قيلندن اولان جرائمه قابل استيناف اوله رق حكم ايدرلر

طقوزنجي ماده دعاوى مجلسلري جنات دعوازي حقنده تحقيقات لازمه بي اجرا ايليه رك دعاوي مجلس تميزه كوندردلر

فصل ثالث

(الويه مجلس تميزلرينك درجه مأموريتلرينه)
(دائردر)

اوننجي ماده هر سنجاعك مجلس تميزي اول سنجاعه ملحق بولنان قضاار دعاوى مجلسلرينه قابل استيناف اوله رق حكم اولنان دعاوي حقوقيه بي استدعا اوزرينه استينافاً رؤيت ايدر لكن مركز لوا اولان قضاارده دعاوى مجلسي بولنامق حسييله دعاوى مجلسنه عائد دعوازي اومقامده و اوصلاحيته اوله رق فصل و رؤيت ايلر فقط مركز ولايت اولان قضاده تكون ايدوب رؤيتي دعاوى مجلسنه عائد اولان دعاوى مركز ولايت دعاوى مجلسلنده رؤيت اولنور اون برنجي ماده لوا تميز مجلسلرينك مواد

جزائيه ده وظائف قضاار دعاوى مجلسلرينه رؤيت اولنان جحه دعوازينك استدعا اوزرينه استيناف و جنات دعوازينك رؤيت و حكمي و مركز لوا اولان قضايه متعلق قباحت وجحه ماده زينك دعاوى مجلسي حكم و صلاحيته فصليدر

اون ايكنجي ماده لوا تميز مجلسلرينك حقوق عاديه و جزائيه متعلق و قابل استيناف اولان احكامي ديوان تميز ولايته استيناف اولنور اون اوچنجي ماده لوا تميز مجلسلرينه بدياه بر دعوي رؤيت اولنور ايكن اكامتعلق مدعي عليه طرفندن بر تضمين ادعاسي درميان قانديني تقديرده يدنجي ماده نك حكمه توفيقاً معامله اولنور

اون دردنجي ماده تميزلوا مجلسلري جناتيه متعلق دعاوينك محاكمه سني اجرا و حكم ايتدك دك نكره اوراقي طاقيله ولايت ديوان تميزلرينه ارسال ايلرلر

فصل رابع

(ولايتلر ديوان تميزلرينك وظائفي بياننده در)
اون بشنجي ماده ديوان تميز ولايتك وظيفه سي حقوق عاديه متعلق دعاوى مجلسلنده رؤيت اولنوب طوغريدن طوغرييه لاجل الاستيناف مستأنفي طرفندن مراجعت اولنان ورك حقوق عاديه ورك مواد جزائيه دالر مجلس تميزلردن قابل استيناف اوله رق حكم ايديلان دعاوي بي استدعا اوزرينه استيناف و مجلس تميزك جنات اعلاملريني تدقيق و مركز ولايت اولان سنجاعده وقوعه بولان جنات دعوازينه حكم ايتك و داخل ولايته وقوعه بولر آسايش مملكتي اخلاص ايديه جك جنات عظيمه مثلاًو دعاوي فوق العاده عند الايجاب رؤيت ايتك ماده زندن عبارتدر

اون التنجي ماده ولايت ديوان تميزلري مجالس تميزك جناياته متعلق اعلاماتني بعد التدقيق بولنده كوردكاري حالده طاقيله ديوان احكام عدليه

كوندردلر و اومقوله اعلاماتك جهت حكميه و محاكمه سنجيه قصور و نقصان كوردكاري صورتده اصلاح و اكالي ايچون اولبايده اولان اسباب و ملاحظاتك تحرير و تصحيحيله برابر اوراقي مجالس تميزه اعاده ايدرلر اون يدنجي ماده هر ولايتك ديوان تميزي طرفندن مأمور معرفيله بهر سنه ختامنده بر جدول تنظيم اولنوب اول سنه طرفنده قضاار دعاوى مجلسلرينه والويه تميزنده رؤيت اولنش و قابل استيناف اولق اوزره و يا خود صورت قطعيه ده اعلاملري و يرلش و ياهنوز محاكمه اولنماش اولان دعوا رك كيت و كيفي و خصمرك اساميسي مذكور جدولده تصريح اولنوب ديوان احكام عدليه نظارت جليله سنه كوندريلور

اون سكرنجي ماده حقوق عاديه دعوازي حقنده اصول محاكمه قانون مخصوص عوميسي وضع اولنجه په قدر حقوق عاديه دعوازينه اصول محاكمه تجارت قانوننامه سنك اشبو نظامه مغاير اوليان احكامي مرعي الاجرادر في سلخ شوال سنه ۱۲۸۸ و في ۳۰ كانون اول سنه ۱۲۸۷

تميز حقوق دائره سندن و بريلان اعلام صورتيدر

كوچه زاده متوفي ارئين افندي ورثه سي كرفور و زنوب و ميقاتل افنديلر و تره زون و قدنقو و صوفي نام قادينلر ايله كوچه اوغلي اغوب افندي بيننده تكون ايدن شركت منازمه سنه دائر محكمه استينافيه دن ۹ شوال ۸۹ تاريخيله و بريلان اعلامه اعتراض حاي ورثه مرقومه و كيلي جواني افكر طرفندن اعطا اولنان عرضحال و مذكور اعلام صورت و لايحه ۱۱ ذي القعه ۸۹ تاريخنده تميز حقوق دائره سنه حواله اولنغله مطالعه اولندي

مذكور عرضحالده محكمه استينافيه اعلامنك

حکمی مغایر نظام اولدیغندن تمیزاً نقضی استدعا قلمشدر

محکمه استینافیه اعلامنک خلاصه مآلی ارتین افندی وره سنک علیهنده ایکنجی حقوق دأره سنندن ویریلان قراره اعتراض ایله استیناف دعوی انباری اوزرینه طرفین جلب و محاکمه اولندقدنصرکه ایجابی لدی المذاکره مذکور ایکنجی حقوق دأره سنندن منازعه مذکوره معامله تجارتیه دن اوله رق محکمه تجارتک رؤیت ایده جکی اموردن اولدیغنه قرار ویرلش ايسه ده ورته مرقومه وکیلری جوانی افکر ایله موسیو باردو مذکور شرکت تجارت شرکتی اولوب فاملیا شرکتی اولدیغندن و بوده صرف حقوق عادیه دن معدود ایدوکنندن ایکنجی حقوق دأره سننک قرارینی قبول ایدمیه جکلرینی بیان ایتکده واغوب افندی وکیل ازانور سرویه دخی مذکور شرکت تجارت شرکتی اولدیغنی افاده ایتکده اولدقلرینه و ذیل قانون تجارتک اوتوز ایکنجی ماده سی موجبیه اصحاب دعوانک تجار وصراف واصناف صفتنده اولوب اولدیغنی وینلرنده تجارت شرکتی بولنوب بولمیدیغنی منازعه نرنک حسم و فصلی کذلک تجارت محکمه لرینه عألدایدوکنه بناء منازعه مذکوره نک فصل وحسمی خصوصنک محکمه تجارتیه حواله سی لزومنه قرار ویرلیدیکنی متضمن بولمشدر

وکیل مرقوم جوانی افکرک اعتراض لایحه سنک برصورتی دیگر طرفه تبلیغ ایله لایحه جوابیه اندقدنصرکه ایجابیه باقیله جغی صره ده مرقومان افکر و ازانور سرویه ایله ورته دن زوب افندی دأره ده کله رک مرقوم افکر مؤکلرندن زوب افندیدن ماعداسی محکمه استینافیه حکمی قبول ایله محکمه تجارتیه کیده جکلرندن بحثله بونار طرفندن اوله رق تمیز دعواستندن صرف نظر ایلیدیکنی افاده ایدوب ینده بولنان وکالتنامه به باقلدقده ویریه جک حکمی

قبوله دخی شمولی اولدیغنی اکلاشلش وزنوب افندی استجواب اولندقدن کیندوسی محکمه تجارتیه کیتکه عدم موافقتله ایشک تمیزاً رؤیتنه دوام اولنمق استدعاسنده بولندیغنی و طرفندن مقتار بکمری وکیل ایدوب یکیدن لایحه اعطا ایده جکی سولش اولسیه اولوجهله لایحه نک بالتظیم کتورلسی تنبیه قلمشیدی اره دن خیلی زمان مرور ایلیدیکی حالده لایحه کتورلیوب بوقاچ دفعه کلسی ایچون زوب افندی به جلب پوصله سی دخی کوندرلش ايسه ده کلامش ونهات شهر صفک یکریمی التجی پنجشنبه کونی دأره ده کلسی اقتضا ایده جکنه دار صوک دفعه اوله رق کوندریلان احضار پوصله سنه اوکون کله میوب فقط کله جک پنجشنبه کونی وکیل مقتار بکمری کوندره جکی شرح وامضا الیسی اوزرینه برهفته دهابکلندیکی حالده ینه نه کیندوسی ونه ده وکیل کلامش اولدیغندن و دیگر طرفی غیاباً حکم ویرلسنی شفاهاً طلب ایلدیکنندن ایجابی لدی التذکر اصول محاکمه تجارت نظامنامه سنک التمش سکرنجی ماده سی حکمنجه محکمه به کلکدن امتناع ایدن مدعی اولدیغنی حالده مدعی علیه کندو علیهنده اولان ادعا به جواب ویرمه که مجبور اولقسرین برأنته دأر بر حکم غیابی طلب وتحصیل ایتکه حق اولدیغندن بو حالده مدعی زوب افندیکن تمیز استدعاسنک ردی لازم کله جکی کبی ذاتاً مذکور اعلامک نتیجه حکمی دخی ذیل قانونک اوتوز ایکنجی ماده سی موجبیه اصحاب دعوانک تجار وصراف واصناف صفتنده اولوب اولدیغنی ویاخود ینلرنده تجارت شرکتی بولنوب بولمیدیغنی منازعه لرینک حسم و فصلی محکمه تجارتیه عألد اولدیغندن بوماده به توفیقاً ایشک محکمه تجارتیه حواله سنه قرار ویرلیدیکی خصوصندن عبارت اولوب بوقرار ايسه مذکور اوتوز ایکنجی ماده حکمنه تمامیه موافق ایدوکنندن مذکور اعلام

حکمنک تصدیقنه واعلام وتبلیغ خرجی اولان اون سکر بیاض مجیدیه نک زوب افندی به عألد اولق اوزره وکیل ازانور سرویه دن التمسنه غیاباً قرار ویریه رک سورت قرار وکیلان مرقومان ازانور سرویه وجوانی افکره تفهیم قلمدی

تمیز حقوق دأره سنندن ویریلان اعلام

صورتیدر

قیصریه سنجای داخلنده واقع تولا ون قریه سی اهالیسنندن کلی بدروس اوغلی غورائیل ایله آتش اوغلی اسماعیل افندی زوجیه سی عطیه یننده یحدر ایدن الاجق دعواسنه دأر قیصریه تجارت محکمه سنندن اعطا اولنان ۶ ربيع الاولی سنه ۸۹ تاریخی اعلامک تمیزینی مستدعی مزبوره عطیه نک محکمه ویرمش اولدیغنی ۱۹ جمادی الاخر سنه ۸۹ تاریخی عرضحال اوراق متفرعه سیله برابر انقره ولایتندن ارسال اولمغله تمیز حقوق دأره سننده مطالعه اولندی

اعلام مذکورک خلاصه مآلی مرقوم غورائیلک درت قطعه تحویل موجبیه مزبوره عطیه ذمتنده غیراز تسلیم قصور مطلوبی اولان یکریمی سکر یحق لیرانک تحصیلی استدعا مزبوره عطیه دخی محکمه به کلکدن امتناع و ابا ایش اولدیغندن غیاباً رؤیت دعوا به لدی الابتدار مرقوم غورائیل ۲۸ محرم سنه ۸۶ و ۲۱ ربيع الاولی سنه ۸۶ و ۲۱ رجب سنه ۸۶ تاریخی درت قطعه سپارش تحویلی ابراز واره ایدرک ایشو تحویلدرده محرر اولان اوتوز بش یحق لیرای عثمانینک در علیه ده عطیه نک زوجی اسماعیل افندی طرفندن غورائیلک پدری کیریا قویه تأدیه اولنمق اوزره مرقوم غورائیلدن اخذ اولندیغنی و بوناردن برقطعه سنک ظهرنده یدی لیرا تسلیم قلمدیغنی محرر بولمش واکرچه مذکور

تحویلدرک دردی عطیه امضاسیله محضی اولدیغنی حالده یالکز بری عطیه وقصوری خدیجه ختمیه مختوم کورلش ايسه ده مزبوره عطیه به کوندرلش اولان احضار پوصله سی زیرینه برقطعه سنک ایله بش لیرا بورجی اولدیغنی شرح و بیان ایدرک سندات مزبوره دن بش لیرای حاوی اولان سنک ايسه خدیجه مهریه مهور اولسی و بومهرک دیگر ایکی قطعه سننده اولان خدیجه مهرینه مطابق بولنسی سندات مذکوره نک یحدره بدرجه اطمئنان کتورمش اولدیغندن مبلغ مزبورک گذشته سی علاوه و تسامات واقع فرو نهاده اولنهرق متباق اولان اوتوز طقوز لیرا ایله طقسان درت ساتیمک اون بش کون مدت ایچنده اعتراض علی الحکم اولمیدیغنی تقدیرده مزبوره عطیه دن تحصیلنه حکم اولمیدیغنی مین بولمشدر

مزبوره عطیه نک اعتراضی درت قضیه دن عبارت اولوب برنجیسی مبلغ مدعا مع فائض اوتوز درت لیرا اوتوز ایکی غروشه بالغ اولق لازم کلورایکن اوتوز طقوز لیرا کسور غروش حکم ایلیدیکی ایکنجیسی مذکور تحویلر پولچه اولوب اوچ قطعه سی متوفاه والده سی خدیجه طرفندن کشیده اولدیغندن یدلرینک کیندوسنه عألد اوله میه جغی کبی پولچه تحویلی کشیده ایدن اعاده سیله بدلنک طای اوزرینه کشیده اولنان ذات طرفندن عدم قبولی امضا وانک اوزرینه پروتستو اجرا اولنسنه متوقف اوله رق مذکور سندات حقتنده لویه بر معامله جریان ایتدیکنندن مبلغ مزبورک کیندوسندن تحصیلنه حکم اولنسی مغایر قانون اولدیغنی اوچنجیسی اعلام مذکوره محرر احضار پوصله سنک کیندوسنه تبلیغنده مذکور پولچه نرک یالکز برقطعه سی کیندو طرفندن کشیده اولمیدیغنی بیان ایش ایکن اوقویوب یازمه سی اولمیدیغندن نصلیه پوصله به بشیوز غروشلق سند دیو تحریر اولنوب بوايسه حقیقت حاله مغایر ایدوکی دردنجیسی سندات مذکوره بالفرض سپارش

تحويلی اولسه بيله ينه حقهده پولچه معامله سنك اجراسی اقتضا ایده چکی ماده نری بولمشد
مرقوم غورائیلک جواب لایحه سنده دخی اوله
گذشته حسابنده سهو واریسه تصحیحی اعلامی
ویرن محکمه یه عائد اولوب بونک اساسی حکمه طوقور
برشی اولدیغی ثانیاً سندات مزبورنک جمله سنده
(در سعادته زوجم طرفندن ادا اولمق اوزره دینم
و بورجم) دیوچرر اولان تعمیرک سندات مذکوره نك
عطیه نك اولدیغنه دلیل کافی اولدیغی کی تعمیر مشروح
سندات مزبوره یی پولچه لکدن چیقاره جفتندن
مزبوره عطیه سنداتک بدلتک زوجی طرفندن
ویرلدیکی اثبات ایدمه دیککی حالدیه ایفایه مجبور
بولدیغی ثالثاً مزبوره نك احضار پوصله سنه یازدیغی
شرح قریه نك امام و مختاری طرفندن مصدق
اولدیغندن بونی کیرو الهیه جغی رابعاً سندات
مزبوره قانوناً نه پولچه ونده سپارش تحويلی
اولوب فوق العاده بر سپارش کورندیکندن
محکمه دخی امضا صاحبندن تحصيلی حکمه مجبور
اولدیغی بیانیله اعلام مذکورک تصدیق استدعا
اولمشد

مزبوره عطیه طرفندن زوجی اسماعیل افندی
باسند مصدق وکیل تعیین اولدیغندن وغورائیل
جانبندن وکیل تعیین اولمبوب پدری کریاقو
در سعادته بولدیغندن اسماعیل افندی استجواب
اولمق و کریاقونک دخی بوباده اولان معلوماتی
اکلاشلق اوزره ایکسی دائره یه جلب واستجواب
اولدقده مرقوم اسماعیل افندی دوجه سی مزبوره
طرفندن مهر مخصوصیه مختوم اوله رق اوتهدنبرو
اوزرینه پولچه کشیده اولوب کندوسی دخی قبول
ایله تأدیه ایتکده ایسه ده تحویلات مجبوره قاین
والده سی متوفی خدیجه نك مهریله مختوم اولوب
بوراجه مرقوم کریاقو طرفندن کندوسنه اراده
اولدیغی واره دن درت سنه کچک کدن وقاین والده سی

محضانه ومدققانه یکیدن رؤیت وحکم اولمسی
و ویریه جک حکم واعلامه طرفیندن بری اعتراض
ایدر ومدت نظامیه سی طرفنده شرائط تمیزیه یی
جامع استدعا نامه اعطا ایلر ایسه اول وقت تمیزاً
رؤیت اولمق اوزره اوراقنک نظامی دائره سنده
بوترفه ارسالی خصوصنک محله اشعار بیورلسی
واعلام وتبلیغ خرجی اولان اوتوزدرت غروش ایله
اوج عدد یکرملک مجدییه نك ایلروده حقسر
چیتاجق طرفه عائد اولمق اوزره وکیل مرقومدن
التمسی خصوصلرینه قرار ویراش و کیفیت وکیل
مرقومه تفهیم اولمشد

تمیز حقوق دائره سنندن ویریلان اعلام صورتیدر

خرستو طابچلشته ایله جلب مصطفی اغا بیننده
اولان دعوایه دائر دیوان استینافندن تنظیم
اولان ۸ جمادی الاولی سنه ۸۸ تاریخی اعلامک
تمیزینی مستدعی مرقوم مصطفی اغانک وکیل
مصطفی افندی طرفندن ویریلان ۲۴ شعبان
سنه ۸۸ تاریخی عرضحال تمیز حقوق دائره سنه
حواله اولمغله طرفینک لایحه زریله برلشدیریلرک
مطالعه اولندی

اعلام مذکورک خلاصه مآلی مرقوم طابچلشته نك
سعادتلو حاجی مصطفی افندی ایله برابر سکسان
برسنه سنده متعهد اولدقلری تعینات لمحبه اداره سی
ایچون جلب مصطفی اغا و شرکاسیله قونطورات
ایلدکلری اغنام محاسبه سنندن طولای تحث ایدن
منازعه منفسخ مجلس والاده با ویه اقتضاسی
اجرا اوله رق فقط سندله اثبات اولنه میان طقوز
یک سکر یوز غروش ماده سنک رؤیت وفصلی
تجارتخانه یه حواله اولمش و بونک اوزرینه برنجی
مجلس تجارتدن ویریلان اعلامده خرستو
طابچلشته دن قرقق التي یک درتسوز غروش

تحصیلی کوسترلش ایسه ده مرقوم طابچلشته
کیفیتک استینافاً رؤیتی استدعا ایلدیکی مثلاً
اعلام مذکورک حکمی سهو و مبتنی ایدوکی
مطالعه سنندن و مجلس مذکور اعضا سنندن احمد
کامل افندی نك دیوان استینافنده واقع اولان
افاده سنندن مستبان اولسنه مبنی کیفیتک تدقیقه
بارابورط بیانی خصوصی طرفیندن و دیوان
استیناف جانبندن انتخاب اولنان اوج نفر میره
حواله قلمش اولدیغی حالدیه بمنز مومی الیهک
اعطا ایلدکاری راپورطلر کدیگرنه مبین
واضاحات مطلوبه یی غیر شامل کورنمکه اصول
محاکمه نظامنامه سنک قرقققی ماده سنه توفیقاً دیوان
استینافجه حکمیان افندی میره تعیین اولمش
ومومی الیهک تنظیم واعطا ایلدیکی ایکی قطعه
راپورط طرفین مواجهه سننده لدی القرائه بونک
برنجیسنده طابچلشته نك ابراز ایلدیکی ایکی قطعه
سنددن ۲۰ نیشان سنه ۸۲ تاریخی علم وخرده
مصطفی اغانک طابچلشته دن اون طقوز یک التي
یوز غروش اخذ ایلدیکی وحسابلرینه قید اولنه جغی
شرح ویریلوب مهرلشم ایسه ده مصطفی اغا
سند مزبوری فائضدن طولای طابچلشته یه اعطا
ایلدیکی بیان و طابچلشته دخی ماه مذکور طرفنده
مصطفی اغانک سکر یوز رأس قیون تسلیم
ایده مامسنه مبنی محال سائرده نك حساب
مبایعه اولنان اولمقدار قیونک حساب فضله سی
اولان مبلغ مزبور طلب اولدقده مذکور سندی
اعطا ایلش اولدیغی افاده و اتیان ایتکله دفترینه
لدی الراجعه مصطفی اغانک دفتری حساب
پوصله سنندن عبارت اولوب طابچلشته نك دفتری
ایسه منتظم و بین التجار قبوله شایان کورلش
وبوندن ماعدا قونطوراتلری ۳۰ جزیران سنه ۸۲
تاریخنده قطع اولدیغی و گذشته نك دخی شوتاریخه
قدر یوردلیدیکی کورلش اولدیغنه و علی الخصوص

تاریخ مزبور در صکره مصطفی اغانک اوج فلم
تسلیماتی بولندیغنه مبنی سند مزبور تاریخ شده
طایچلشتنه نك مصطفی اغاندن گذشته طالب ایتش
اولسی غیر مامل اولوب سند مزبوری قونطو اتوری
موجبجه مصطفی اغانک تسلیم ایده دیکی سکر یوز
رأس قونك فرق ائماننی تضمین یولنده ویردیکی
مقاندنن آکلاشلش اولسیله مبالغ مزبور طایچلشتنه نك
حق اولدیغی کبی ۲۵ نیسان سنه ۸۲ تاریخلی
سندده محرر اون طقوز بیک غروشک دخی قرضاً
ویرلیدیکی طایچلشتنه نك صندوق دقتیله مثبت
اوله رق ذکر اولنان ایکی قطعه سند اوزرینه
کوریلان حساب موجبجه مصطفی اغانک ۱ حزیران
سنه ۸۶ تاریخنه دکن مع فاض درتیک درتوز
طقسان ایکی غروش بوری کورنیدیکی اشعار
وایکبی رابو توده دخی مصطفی اغانک مؤخرأ
ابراز ایلدیکی حساب دقتی ادعاسنه مدار اوله میرب
طایچلشتنه طرفندن دعوانك بدایتنده اراؤه اولنان
دفترک برصورتی اوله جغی ازبار اولمش و طرفین
استجواب اولندقدنه مصطفی اغانک وکیلی مؤکلنك
اعطا ایلدیکی لحم فیاتندن طولای فرق وتفاوت
ادعاسنده اولوب بوراسنه باقلمدیغنی بیان وطایچلشتنه نك
وکیلی دخی بوسوز درجه اولی محکمه سنده درمیان
اولنماش یکی برادعا اولدیغندن دیوان استینافده
استماع اولنهمیه غنی اتیان ایدرك فی الواقع شو
ادعاسنك درجه اولیده سبقت ایتدیکی جوتله
استماعی مغایر نظام بولندیغنی مصطفی اغانک
وکیلنه افاده و مذکور راپورتوزده برتفصیل حکایه
اولنان ایکی قطعه سندك گذشته دن کلدیکی
اثبات ایتسی تکلیف اولندقدنه اثبات مدعا ایده مدیکی
کبی بوبایده مین دخی ویردیریمه جکینی بیان ایتش
و مذکور راپورتوز ایسه یولنده بولمش اولدیغندن
برنجی مجلسك حکمی مسخ ایله راپورتوز موجبجه
درتیک درتوز طقسان ایکی غروشک مع مصارف

محاکمه مصطفی اغاندن تحصیلنه قرار ویرلیدیکی
مین بولمشدر
اعتراض لایحه سنك مفادی دخی بیلرندنه منعقد
مقاوله ایجابجه مرقوم طایچلشتنه نك طوله جغی
دفترده طرفینك حسابنه قارشولقلی گذشته
رتمسی لازم کاور ایکن یالکز کندوسی ایچون
فائض یوریدوب مصطفی اغا ایچون فائض
یورتماش اولدیغی کبی لحمک بهر قیه سنده اولان
اچجه فرق دخی داخل حساب ایلدیکی و مجلس
والانك حواله ایلدیکی مبالغ محاسبه سنه باقلماش
اولدیغی و ذکر اولنان راپورتوزك حین تنظیمنده
مصطفی اغانک حاضر بولندیغنی وایکی قطعه سنددن
طولای اگرچه دیوان استینافده مین تکلیف
ایتماش ایسه ده اولوفت وکیلنك مین تکلیفنه
مأذونیتی اولیوب شمسی ایسه بوکا مأذونیتی
بولندیغندن تحلیف طلبنده بولندیغنی افاده زینی
حاویدر
طایچلشتنه نك جواب لایحه سی مالی دخی مصطفی
اغانک لایحه سی مندرجاتی درجه اولی محکمه سنده
افاده وادعا اولنه جق مواددن اولوب اسباب
نقضیه دن اولانغله اعلام مذکورك تصدیق
استدعاسنی متضمندر
طرفین دائرهمه استندکده مصطفی اغا طرفندن
مصطفی افندی وطایچلشتنه جانبندن ادمیدی
باسند مصدق وکالة کلرله لدی الاستجواب
لایحه زنی مندرجاتنی تکرار ایتکله برابر مرقوم
مصطفی افندی لحمک بهر قیه سنه سقاط فرق
علاوه اولتمق مقاوله ایجابندن اولدیغنی حالده
اشبو سقاط فرقندن طولای محاسبه زینك رؤیت
اولندیغنی بیانیله بونك دخی رؤیت وتدقیق لزومی
افاده وادمیدی دخی اشبو سقاط فرق دعواسی
یکی برشی اولدیغندن بونك بشقه جه استدعا اولنمسی
تذکار ایتشددر

کیفیت لدی المذاکره مصطفی افندیك نتیجه ادعا
واعتراضی مین موی الیه حکمیان افندیك راپورتوزینك
حین تنظیمنده کندوسنك بولنماش و گذشته نك
دخی قارشولقلی یوریدلماش و فیات فرقیه سقاط
فرقه باقلماسی قضیه زنی اولوب سالف البیان
ایکی قطعه سند ایچون تحلیف طلبنده دخی بولندیغنی
اکلاشلش ایسه ده محاسبه نك رؤیت و مذکور
راپورتوزك تنظیمی نظامنه توفیقاً طرفینك حضورنده
هرایکی طرفك دفتر واوراق اوزرینه واقع اولدیغنی
اعلام مذکورله راپورتوزك مزایاسندن مستبان
اولدیغندن بوبایده اولان اعتراضات واهی اولدیغنی
کبی فیات وسقاط فرق ماده سی دخی اعلام
مذکورده بیان اولندیغنی اوزره درجه اولیده درمیان
اولنماش بدایه بردعوی اولق جهتیله دیوان
استینافده استماع اولنماش یولنده اولوب بوبایده
اولان ادعا واعتراض دخی اسباب نقضیه دن
کوریلهماش و تحلیف طلبی دخی درجه اولیده
ودیوان استینافده درمیان اولنه جق شیلردن
اولوب محکمه تمیزده تحلیف اجرایی نظاماً غیر
جائز بولمش اولسیله اعلام مذکور بالتصديق
حکمك اجراسنه و اعلام وتبلغ خرجی اولان قرق
درت غروش اوتوز پاره ایله اوج عدد بیاض مجیدیه نك
مصطفی اغایه مراجعت ایتك اوزره طایچلشتنه دن
اخذینه قرار ویریلهرك صورت قرار طرفینه تفهیم
اولندی

ویرش اولدیغنی ۲۱ ذی القعدة سنه ۸۸ تاریخلی
عرضحال تمیز حقوق دائره سنه حواله اولنغله
طرفینك لایحه لرله براشدیریلهرك مطالعه اولندی
اعلام مذکورك مالی طرفینك برنجی مجلس تجارنده
اجرا اولنان محاکمه زنده مزبوره دسپینو متوفی زوجی
بواندن وصیسی اولدیغنی یتیملرینه انتقال ایدن
برقطعه پلانچو موجبجه یورکیه تسلیم اولنان
فائضلی یدی قطعه تحویلک بدلاری ایله مرقوم
یورکی ایله مشترکاً متصرف اولدقلری بر باب دکانه
اولان ثلث حصه نك اوج سنه نك اجاره سنك
تحصیلی وایکی قطعه مسکک دخی الیورلسنی دعوی
وبرقطعه پلانچو ابراز وارائه ایدوب اشبو پلانچو
ابتدای مایس سنه ۸۶۲ تاریخله مورخ و یورکی
امضاسیله محضی اوله رق بالاسنده (متوفی یوان
یتیملرینك حصه سنه اصابت ایدن واردات وسأره
مقدما والدلری طرفندن سند ودقتره ربط اولنهرق
همشهریلری معرفتیله دوکه جی اوغلی یوردانه
تسلیم اولنمش ایسه ده مؤخرأ مرقوم یوردانك
وقوع وفاتی جهتیله فاملیاسی جلب اولنهرق ایتام
مرقومه نك کافه وارداتی تاریخ مزبوره قدر ایجاب
ایدن گذشته سیله برابر اخذ اولندیغنی) وزیرنده
معلوم الاسامی اشخاص امضاسیله (مذکور فاملیادن
اخذ اولنان مع گذشته الی سکر بیک یتش درت
غروشلق تحویلات ایله ایکی باب دکان تمسکك
مرقوم یورکیه امانه تسلیم قلندیغنی) عبارته زنی
محرر بولمش و مرقوم یورکی پلانچوی بالتصديق
انجق متوفای مرقوم یوانك ترکسی هنوز تحریر
اولندیغنی و مزبوره دسپینونك وصی اولدیغنی
ومقدما کندوسنده بعضی سندات وارایدیسه ده
مؤخرأ حسانی بازویه یدنده بولنان دفاتر واوراق
بیت الماله تسلیم ایلدیکی درمیان ایتش ایسه ده
مزبوره دسپینو ۹ جمادی الاولی سنه ۸۴ تاریخلی
برقطعه حجت شرعیه بالابراز وصایتی اثبات ایتش

تمیز حقوق دائره سندن ویریلان اعلام
صورتیدر

امین اوکونده بقال یارده اوغلی یورکی ایله
شریکی متوفی یوانك زوجیه سی وایتامنك وصیسی
دسپینو یننده نحدث ایدن دعوایه دائر دیوان
استینافدن غره شعبان سنه ۸۸ تاریخله اعطا
اولنان اعلامك تمیزنی مستدعی مرقوم یورکینك

اولدینگی کبی ۲۹ مارت سنه ۶۶ تاریخده مرقوم یورکی ایله معلوم الاسامی اشخاص طرفندن گذشته یازیلوب ابراز واره ایلدیکی برقطعه مکتوبده (یتیمک اقمه سنک کوندولسی اشعار اولمش ایسه ده یتیمک حقنده خیری اولسون واقعه زری ضایع اولسون دیو بو طرفده مناسب گذشته لی تحویل لر ر بط ایله معتبر آدم لر اقراض اولندیغندن و طرفکره کوندوریلور ایسه تلف اوله جی آشکار بولندیغندن کوندولیه جکی و یتیمک اقمه فائضیه اچیلندن اوچبیک غروش لایقیله اداره ایده جکندن اصلا پاره کوندولسی جائز اولیه جی و برده یتیمک لیرالق بولچه کز کلش ایسه ده یتیمک منفعی ایچون شمدیک کوندولیب اکا کوره اداره ایدرز) عبارته زری مندرج کورنمش اولسیله بوکا نه دیه جکی مرقوم یورکیدن صورلدقه بو مکتوب کسندو طرفندن یازیلوب متوفی یوردان طرفندن یازلدیغی صرده کسندوسی سائر کسانله برابر شاهد مقامنده امضا اتمش اولدیغی و مکتوب مذکورده یتیمک بشقهجه ایرادری دیلان اوچبیک غروش حقنده معلوماتی اولدیغی و پلانچوده محرر تحویل لر دن برقطعه سنک بدلی اولان بشیک غروش کسندوسنک بورجی اولوب بشیک غروشلق برقطعه سنی مقدا مزبوره دسپینویه و ردیکنی و درت قطعه سندن اون یدی بیک بشیوز یتیمک بش غروش با تحویل مزبوره نک کشیده اتمش اولدیغی بولچه بدلاتی ایفا و قصور یکریمی یدی بیک سکز بوز غروشلق ایکی قطعه تحویل ایله طوزله ده کآن برباب دکانک تمسکنی بر بقی سنه مقدم بیت الماله تسلیم واعطا اتمش ایدوکنی بیان و مزبوره دسپینو دخی بولچه بدلاتی اون یدی بیک غروشندن عبارت اولوب بونک اون بیک غروشی ذالاً پلانچودن تنزیل اولمش ویدی بیک غروشی یورکینک اقامت اتمکده اولدیغی مغازه دن حصه زینه عابد اولان کرایه محسوباً اتمش اولدیغی و سالف الیان

تحويلات مأخوذه دن اون بیک سکز یوز طقسان بش غروش تسلیمات بعدالتنزیل باقی الی سکز بیک یتیمک درت غروشلق تحویل واقعه مرقوم یورکیه تسلیم اولنه رق امضاسیله ممضی برقطعه پلانچو اخذ و حفظ ایدلمش اولدیغندن و تجارت استقراضات واقعه زریله او متوله استقراضات تحویلاتنی اخذ و تسلیم ایله اقمه ایشلدانی تعهد ایلان تاجر علیهنده اوله جق ادعا نک رؤیتی محکمته تجارت عائد اولدیغی مثلاً ذکر اولنان اقمه گذشته ایله ایشلدانکده اولوب فائضی و اوچبیک غروشلق بشقهجه ایرادری ایله یتیمک اداره اولنه جق قری مدعی علیه یورکی وسائر کسان طرفندن مارالذکر مکتوبله مزبوره دسپینویه اشعار اولمش ایدوکنندن و مرقوم یورکینک مذکور تحویل لر یدنده امانت اولدیغی حالده بیت الماله و یاخود بشقه بریره تسلیم ایتدیکنه دائر اولان ادعاسی مجرد فائض و برمامک و بوصورتله مبالغ مدعی بهایی بلا گذشته قولالتمق مقصدینه مبتنی اولدیغی اکلاشلدیغندن مرقومک معترف اولدیغی بشیک غروشندن ماعداسی ایچون رائت ذمتی حقنده واقع اولان دفع مشروعی قبوله شایان کوریله میوب ذکر اولنان الی سکز بیک یتیمک درت غروشندن مدعیه نک مأخوذه ی اولان برقطعه تحویل ایله گذشته سی بعدالتنزیل باقی قرق طقوز بیک اتمیوز اوتوز درت غروشلق الی قطعه تحویل دن مدعی علیه بشیک غروشلق تحویلی بدلیله طقسان الی ایلق فائضی اولان من حیث المجموع اون اوچبیک یدی یوز اتمش طقوز غروشک تقدأ و قصور بش قطعه گذشته لی تحویلک دخی عیاً و یاخود فائضیه برابر بدلی اولان یتیمک اوچبیک اتمیوز سکز بر غروشک کذلک تقدأ بالتحویل مزبوره دسپینویه تسلیمی و مرقومک امانه نزدنده بولنان قهوه تمسکینک دخی مرقومه اعطا ایتدیرلسی و مزبوره نک ادعا ایلدیکی

مغازه حصه سی کراسی ایله یورکینک درمیان ایدیکی مصارف انشاییه کیفیتی امور تجارتیه دن اولدیغندن بونک دخی شهر امانته حواله سیله برابر اشبو مغازه کراسنه مقابل اتمش اولان یدی بیک غروشلق بولچه بدلاتی تبین ایده جک مغازه کراسی مقدارندن محسوب اولمق اوزره شمدیک آچقده براغلسی خصوصاً رینه حکم و اعلام اولمش اولدیغی حالده مرقوم یورکی حکم مزبوری قبول ایتوب کیفیتک استیفااً رؤیتی استدعا و اولاده اعطا ایلدیکی لایحه ده سندات مبعوثه نک پلانچو موجبه کسندوسنه امانه تسلیم اولندیغی و مغازه نک مصارف انشاییه سندن طولانی اون بر بیک و مزبوره نک کشیده ایلدیکی درت قطعه بولچه بدلاتی اولان اون ایکی بیک یوز اوتوز بچق غروش که جمعاً یکریمی اوچبیک یوز اوتوز بچق غروش قائمه اقمه مطلوبی بولندیغی جهته تحویلات مذکورده دن درت قطعه سنک قائمه اوله رق بدالریله فائضی اولان اون یدی بیک بشیوز یتیمک بش غروشی مقدا بالاستیفا بشیک بشیوز الی درت بچق غروش قائمه اقمه ایله دیگر اوچ قطعه بولچه و اوراق سائر موجبه مؤخرأ دخی مزبوره اقراض ایلدیکی سکز بیک قرق غروش که جمعاً اون اوچبیک بشیوز طقسان درت غروش مطلوبی قاش و قصور اوچ قطعه تحویل دن برقطعه سنی مزبوره وایکی قطعه سنی با علم و خبر بیت الماله تسلیم اتمش اولدیغی و کسندوسنک اشبو ایکی قطعه سندی بیت الماله تسلیم اتمش مزبوره نک کفالت ارأه سیله جانب شرع شریفی تأمین ایده مامسندن ناشی اینامی غدردن وقایه مقصدینه مبتنی ایدوکنی و مزبوره نک کشیده ایلدیکی بولچه نک تاریخی یوردانک و فائندن مؤخر اولدیغی حالده بونک اون بیک غروشی یوردان طرفندن ویریلان پلانچودن تنزیل اولمش دیو مزبوره نک واقع اولان

افاده سنك استماع اولمسی مغایر حقانیت اولدیغی
کبی قصور پولیچه بدلاتی مزبوردهنك اقرارى التده
ایکن هنوز ثابت اولیان مغازه کراسنه مقابل آچقده
براغلمسی ومعافیه تحویلدرک بدلاتنه فائض حساب
اولوب پولیچهرك بدلاتنه فائض حساب اولمماسی
مغایر نظام اولدیغی و حالبوکه مغازهنك اوج حصهده
ایکسی کندوسنك وبرحصهسی ایتم مرقومهنك
اولوب کندو حصهسندنه اقامت ایتمکده اولدیغندن
یتیمرك مغازهده اولان حصهسی کندوسنه ابحار
اولمش ایسه قونطورات سندی ابراز اولنق لازم
کلهجکئی و کندوسنك دینی اولان بشیک غروشك
گذشتهسنة دخی گذشته یوریدلیکنی اشعار
ومزبوره دسپینونك ویردیکی جواب لایحهسندنه
دخی وصاتی جهتهله ذکر اولنان سندزى مقدما
بالدفعات یورکیدن ایستش ایسهده ویرمیدیکئی
ویتیمرك نفقهسی ایچون کشیده ایلدیکی پولیچهرك
بدلاتی التمش ایکی سنه میلادیسندن التمش طقوز
سنهسنة دکن یدی سنه ظرفنده جستهجسته الذدیغی
جهتهله بومندنه ایشلمش اولان مغازه کراسندن
حصهزیننه اصابت ایدن مقداری متجاوز اولدیغندن
ذکر اولنان پولیچهرك ایچون تحویلات مذکوره
بدلاتنك تحصیل واستیفاسنه مجبوریت حاصل
اولهیهجئی مثللو مغازهنك هدم وانشامی التمش
ایکی سنهسندنه واقع اولوب تاریخ مذکورهده ایسه
بدل ایجازدن مرقومك ذمتنده بشقهجه اون اوج
بیک بشیوز غروش اجاره موجود ایدوکئی
ویتیمرك ادارهسی ایچون تحویلات مذکوره
خارجنده سنوی اوچبیک غروش ایرادزى
اولوب تحویلات مذکوره بدلاتی تبحار ذمتنده
مع گذشته ترقی ایتمکده بولندیغی مرقوم یوزکی
دفعاتله وتجار معتبره ايله کندوسنه اخبار وپوی
سالف الذکر مکتوبیهله دخی تعهد و اشعار ایش
واشعارى موجنبه مغازه کراسندن طولانی سنوی

۱۳ جمادی الاولی سنه ۸۶ تاریخى علم و خبرنده
یالکز مذکور ایکی قطعه سنك یورکیدن اندیغی
عبارهسی مرقم بولندیغندن اشبو سندزى مرقوم
یورکیدن صورلدقده بیت المال قسامنده اولدیغی
و علم و خبر تاریخنده اجمال اوپهسنة ویرلیدیکی
جوانی ویرمش اولمسيله و مرقوم یوزکی ايله
کسان ساره طرفندن مزبوره دسپینویه یازلمش
اولان سالف الذکر مکتوب دخی لدی المطالعده
سندات مزبوردهنك کافهسی ایشلمکده اولدیغی
محرر بولمسيله کیفیت لدی التذکر سندات مبحث
عنهادن اگرچه ایکی قطعه سنك اصحابنه رد
اولدیغی نظارت مشارالیهنك تذکرهسندنه مندرج
ایسهده مرقوم یوزکی اشبو سندزى بیت المال
ویرلیدیکی بیت المال قسامنك علم و خبریه تین
ایتدیروش و بولرله قصور سنداتك شامل اولدیغی
مبالغه فائضی ایشلمکده اولدیغی سالف الذکر
مکتوبیهله متحقق بولمش اولدیغندن مذکور ایکی
قطعه تحویلی بیت المالدن الوب مزبورهده ویرمسی
ویاخود بدلی ادا ایتمسی لازمهدن بولندیغی کبی
سندات مزبوردهنك جملهسنة مکتوب مذکور موجنبه
تسلیمی تاریخنه قدر فائض یوریدلمسی و مرقوم
یوزکی قائمه وقتى کچورمش اولدیغندن سندزى
عیناً ویرمیدیکئی صورتهده بدلرینی نقداً ایفا ایتمسی
لازمهدن بولمش اولدیغنه و ادعا ایتدیکی تسلیماتدن
التمش برلیرا ايله درتیک یوز یدی غروش دسپینو
اقرار وقصصوری انکار ایدوب بولرلى یوزکی
اثبات ایدهمامش و عین دخی طلب ایلامش و مذکور
التمش برلیرانك قائمه وقتنده تسلیم اولدیغی عند
الترقی اکلایشلهرق بولرلك قاعده وامثالنه توفیقاً
حساب ایدلمسی دخی اقتضای حالدن کورمش
ایدوکنه بناء درجه اولی اعلامنك بیت المال ویرلمش
اولان سندله آچقده براغیلان پولیچه بدلاری
حقنده اولان فقرهزى اصلاح وقصصوری تصدیق

اولنهرق اولباده یایلان حساب موجنبه مرقومك
باسند ذمتی کورینان اون ایکی بیک یتمش بش
غروشك کندوسندن تحصیلی و باقی بش قطعه
گذشتهلى تحویلدن ایکسینك بیت المال تسلیمی
تاریخنه و اوج قطعه سنك ۳۰ کانون ثانی سنه
۸۷۱ تاریخنه دکن فائضزى ضم اولدقده یتمش
اوج بیک یوز یتمش سکر غروشه بالغ اولدیغندن
اشبو بش قطعه تحویلی عیناً تسلیم واعطا
ایدهمدیکئی صورتهده مبالغ مزبورهده دخی بشقهجه
ایفا ایتمسی وقهوه سندزى دخی اعطا ایللمسی
ومغازه کراسی بحثنه کلنجه مرقوم یوزکینك
بونده مدت مدیده اقامت ایلدیکی طرفینك افاده
وتصدیقندن اکلاشیلوب بوندن طولانی مزبوردهنك
هرحاله مطلوبی اولق لازم کلهجکنه ومصارف
انشایه کیفیتى مجهول بولندیغنه مبنی ذکر اولنان
مغازه کراسيله مصارف انشایهسی ماده سنك
تدقیق اولنق اوزره شهر امانته حوالهسی ايله
بونك مقابلنده التمش دینلان ویکونى اون اوج
بیک سکر یوز التمش ایکی غروشدن عبارت بولنان
پولیچه بدلتنك تین ایدهجك مغازهنك کراسندن
مصارف انشایه بالحساب فضلہسندن تنزیل اولنق
اوزره شمذیکل آچقده براغلمسی خصوصلرینه
ومتستائف مرقوم یوزکینك قصور اعتراضزى
اقوال مجردهدن عبارت اولغله شایان استماع
اولدیغنه قرار ویرلیدیکی مبین بولمشدر
مرقوم یوزکینك لایحه اعتراضیهسندنه تحویلات
مذکورهنك بشیک غروشك برقطعهسنى مزبورهده
اعطا ودرت قطعه سنك بدلاتی اولان اون بش
بیک بشیوز یتمش غروشى بالتحصیل پولیچه بدلاتى
ایفا ایدوب مزبوره ذمتنده درت بیک یوز التمش
برغروش فضلہ مطلوبی قالدیغی وقصور یکرمی
بریک سکر یوز غروشك ایکی قطعه تحویلی اصحابنك
استدعاسی ویت المالك امر وتنبیهی ايله بالضروره

تسلیمه مجبور اولدیغی و یوز یکریمی سهم اعتباریه
سکسان سهمی کندوسیه اورتاغنک و قرق سهمی
ایتم مرقومه نك ملكی اولان مغازه دخی التمش
ایکی سنه سندن هدم اولنه رق اولان تندیات
اوزینه قرق بیک غروش صرفیه انشا ایداش
اولدیغندن مبلغ مز بوردن ایتم مرقومه حصه سنه
اون اوچیک بوقدر غروش عائد اولدیغی حالده
دیوان استینافک نحو یلات مز بوره نك عیناً و یاخود
بدلاً کندوسندن تحصیلنه قرار ویره سی و مز بوره نك
انکار ایتدیکی پولیچه نك امضاسی محلی مخبرینک
تصدیق التنده اونوب بومقوله تصدیق امضاسی
انکار ایدنلرک باب ضبطیه ارسالی امثالی اقتضاسندن
و کندوسی بالاستنطاق اثبات مدعایه مقتدر ایکن
بو باده کی افاده سنک دخی استماع اولنماسی و برده
دیوان استیناف مز بوره نك اقراری التنده بولنان
پولیچه نك گذشته سنی بیت الماله تسلیم اولنان
سندلرک بدلاتیه برابر تنزیل و محسوب ایده جکته
قرار و یروب تبلیغ ایتشیکن مؤخرأ قرار مذکور
کیروالهرق مذکور پولیچه بدللرینک برکونه قونظورات
وسنده مستند اولیان اجاره ادعاسنه مقابل اچیقده
براقسی مغایر اصول و نظام اولدیغی کبی حکم
مذکورک اساسی اولان مکتوب یوردانک وکالتی
هنکامنده یازیلوب کندوسی سار شاهدز صره سنده
وضع امضا ایتش اولدیغندن و مز بوره دسپینو
مقدما بیت المال حضورنده وصایتی اثبات ایده میوب
متوفانک ورثه سی دخی هم یتیم و همد غائب اولق
جوئیه نظام مخصوصی اقتضاسیجه بیت المال
مأموری سندزی ایستیکه و کندوسی دخی اعطایه
مجبور اولهرق بولنرک بدللرینک دخی مدیونلردن
بالتحصیل ایتامک دفتر قسامنه ادخال اولدیغی
مالیه نظارتک تذکره سیله مثبت بولندیغندن کرک
مأمور مومی الیهک و کرک مدیونلرک جلیله اعلام
مذکورک بالتدقیق نقضی استدعا اولمشدر

حرکاتی مغایر عدل و انصاف بولندیغی بیانیله اعلام
مذکورک تصدیق اولنسی بیان قلمشدر
طرفین دائریه ایستندلکده مرقوم یورکی بالذات
ودسپینو طرفندن حسن فحی افندی بلسند مصدق
و کاله کلرلیله لدی الاستجواب هربری لایحه سی
مندرجاتی تکرار ایتش و سالف البیان پلانچو و مکتوب
و بیت المال قسامنک علم و خبری صورتلری اخذ
و مطالعه اولندقدده بولردن پلانچونک مندرجانه
نظراً سندات مجبوت عنهانک مرقوم یورکی به امانه
تسلیم اولندیغی و مکتوبک مآلی دیوان استیناف
اعلامنده حکایه اولندیغی صورتده اولوب فقط
یورادن و یورکی ایله برابر اون ایکی کشی طرفندن
مشترکاً تحریر و بر صره ده وضع امضا قلندیغی
اکلاشلش اولسیله ایجابی مذاکره اولنه جغی صره ده
مرقوم یورکی طرفندن بالاعطایه دائریه حواله
بیوریلان اوچ قطعه عرض حالده سالف البیان ایکی
قطعه سنک بیت الماله تسلیم واعطاسنده کندوسنک
صنع و مدخلی اولیوب اصحابی طرفندن بیت الماله
وقوعبولان مراجعت اوزرینه کندوسی جلب و تضییق
اولنه رق جبراً الندن الندیغی و کرک بوقضیه ی و کرک
کندوسنه برپاره فائض اعطا ایتدکلرینی سندات
مز بوره نك اصحابی اولان اسکندر و واسیل دخی مقر
و معترف بولندقلری جهته بیت المال قسامیله مدیون
مرقومان دخی دائریه جلیله تحقیق کیفیت اولنسی
استدعا قلمش اولدیغندن بیت المال قسامیله مرقومان
اسکندر و واسیلک دائریه جلب و دعوت اولنلرینه
قرار و برلشیدی بناء علیه بیت المال قسام باشکاتی
نعمان افندی ایله مرقومان اسکندر و واسیل دخی
دائریه دعوت اولنه رق اول امرده افندی مومی ایله
کلش اولدیغندن وقوع حال کندوسندن استفسار
اولندقدده مذکور ایکی قطعه نحو یلک جانب بیت الماله
النسی ایچون مرقوم یورکی حقتده برکونه جبر و تضییق
وقوعنک اصلی اولیوب مرقومه مدیونلرک بیت الماله

مراجعتله اصحابی غائب و ابتسامه عائد سندزی
اولدیغی بیان ایتلری و متوفای یوردانک ترکه سی اقدیجه
جانب بیت المالدن تحریر اولنمش اولسی و مز بوره
دسپینونک وصایتی بیت الماله مجهول اولوب کرک
یورکینک و کرک مدیون مرقومانک دخی خبر
ویرماملری جهته سندات مز بوره مارالذکر علم
و خبر تاریخنده یورکیدن النهرق بدللری اولان
یکریمی بریک بوقدر غروش بلا فائض اخذ
واستیفایله سندانک اصحابیه اعاده اولندیغی درمیان
ایتش و مؤخرأ مرقومان واسیل واسکندر دخی
دائریه کلهرک استجواب اولندقدده ذکر اولنان
سندلر مدت مدیده یورکینک یدنده قالوب میدانده
صاحبی اولدیغندن ناشی کندولرینک بیت الماله وقوع
مراجعتلری اوزرینه مرقوم یورکی جلب و تضییق
اولنه رق سندانک الندیغی و یورجلری فی الواقع
فائضی اولدیغی حالده بیت الماله فائض ویرمیوب
یالکز رأس المالدن قائمه فرقی بعدالتنزیل قصورینی
اعطا ایله سندزی اخذ ایتدکلرینی بیان ایله برابر
مرقوم اسکندر کندو نامه اولان سنک بدلی اساساً
کندوسنک دینی اولیوب کندو کفالتیه دیگر ایکی
کشینک بورجی اولدیغی علاوه مقال ایتشدر
بونک اوزرینه طرفین بتکرار دائریه استندلکده
مرقومه دسپینو بالذات و یورکی دخی بلسند مصدق
وکیل تعیین ایلدیکی اقم بودوس ایله برلکده کلرلیله
کاتب مومی الیهک و مدیون مرقومانک صورت
افاده زری کندوزینه بالتفهیم بو باده ده بر
دیه جکلری اولوب اولدیغی سؤال اولندقدده افادات
سابقه زری تکرارله برابر مرقوم یورکی صدق
افاده سنی مؤید بوکره مالیه نظارت جلیله سندن
تذکره کلهرک اجرا جمعیتنه حواله اولندیغندن
تذکره مذکورنک دخی جلب و مطالعه اولنسی
و دیوان استینافده ابراز ایلدیکی پولیچه بوردن
دسپینونک انکار ایلدیکی ایکی قطعه سنک امضاری

محلې مخبرينك تصديق التنده اولديغندن بونلری
اثبات ايتك ايجون كيفيتك باب ضبطيه حواله سی
اقتضا ایدہ جکني تذکار و دسپينو دخی مرقومان
اسکندر و واسيلک افادهزی خلاف واقع اولوب
بونلرک یورکی ايله متفق اولدقارینی و کندوسنک
وصی اولديغنی بیلدکلری حالدہ و صایتنده بیت الماله
معلومات ویراملری مجرد یورکی ايله بالاتفاق فائضی
چورتک مقصدینه مبتنی اولديغنی و پولیچه دنیلان
ایکی قطعه ورقده کندوسنک امضاسی اولديغنی
ایات ایتلریله ذکر اولنان تذکره اجرا جمعیتندن
کتوردیلرک مطالعه اولندقدہ مندرجاتی دیوان
استیاف اعلامندہ مندرج اولان تذکره عینی
اولوب یورکینک افادهسی وجهله سندات مذکورہ نك
الندن جبراً الندیغه دائر دروننده بر بحث و اشارت
کوریلہ مدیکی مثلاً و مذکور ایکی قطعه پولیچه صورتلری
دخی یورکیدن النوب مطالعه اولندقدہ بونلرک بری
یوانک قزلری بوسماتی و قسطندی و دیگرکی خرسو
امضاسیله محضی اوله رق مزبوره دسپینونک امضاسی
اولديغنی اکلاشلشدیر

تفصیلات مبسوطه اوزرسنه کیفیت لدی المذاکره
مرقوم یورکینک شفاهاً و تحریراً واقع اولان
اعتراضاتی اوچ قضیه دن عبارت اولوب بونک
برنجیسی ایتم مرقومه نك الی قطعه فائضی تحویلی
امانت طریقیله کندوسنه تسلیم اولتمش و بونلردن
درت قطعه سنک بدلاتی بر مقدار فائضریله برابر
اخذ واستیفا ایدرک مرقومه دسپینونک کشیده
ایلمش اولديغنی پولیچه بدللرینی ایضا و دیگر ایکی
قطعه سنی دخی مجبوراً بیت الماله تسلیم واعطائیش
اولديغنی و ایتم مرقومه نك اشیو تحویللری فائضیه
ایشلکده اولوب نفقهزی ايجون بشقه ایرادلی
اولديغنه دائر اولان مکتوب یوردان طرفندن
یازیلوب کندوسنک بومکتوبه وضع امضا ایتسی
شاهد مقامنده اوله رق بوبایده برکونه تعهدی

اولديغنی حالدہ سندات مزبوره بی عیناً و یاخود
فائضریله برابر بدلاً اعطا ایتسنه حکم اولمسی
قضیه سیدر

مکتوب مذکورک فی الواقع سندات مزبوره نك کندوسنه
تسلیم اولتمزدن اول یازلمش اولديغنی تاریخدن مستبان
ایسه ده بونده متعهد و شاهد امضالری تقریق
اولنموب کندوسیه یوردان وسائر بوخصوصه
معلوماتی اولنلر طرفندن یازیلوب برصرده وضع
اولتمش و متنده ایتم مرقومه نك سندلری فائضیه
ایشلکده اولديغنی چوجقارک نفقه سته کفایت ایدہ جک
بشقه جه ایرادلی اولديغنی محرر بولتمش اولوب
شوحالدہ کندوسنک بوکا معلوماتی اولديغنی
وسندات مزبوره بر مدت صکره پلانچویه ربط
اولنهرق فائضیه برابر کندوسنه امانت دور
وتسلیم اولنديغنی و ایتم مرقومه نك بشقه جه
ایرادلی دنیلان شی دخی کندوسیه مشترکاً
متصرف اولوب یالکز کندوسنک اقامت ایلدیکی
دکان کراسندن عبارت اوله رق مذکور دکان
حصه زینک بدل ایجاری دخی پولیچه بدلاتی
متجاوز اولديغنی حالدہ پولیچه بدللرینی ایراد مذکورہ
محسوب ایتیبوده مزبوره دسپینویه معلومات
ویرمکسزین یندنه امانت مودوع اولان فائضی
تحویلاتک بر منوال محرر درت قطعه سنک بدلاتی
تحصیل ایدرک فائضلرینی چورتسی هر حالده تضمین
ایتمنی مستوجب اوله جفی مثلاً سندات مزبوره
۱ مایس سنه ۸۶۲ تاریخنده کندوسنه تسلیم
اولتمش و مرقومه دسپینو ۹ جمادی الاول سنه
۸۶ تاریخنده باجحت شرعیه ایتم مرقومه اوزرسنه
وصی نصب وتعیین قلمش اولديغنی حالدہ دیگر
ایکی قطعه سنک دخی الی یدی سنه نك فائضی
ارامیه رق و بوبایده وصی مرقومه یه معلومات
ویرمیه رک مذکور سندلری بیت الماله تسلیم ایتسی
(بقیه سی صکره)